



შპს "სანდასუფთავება"

სანავიგაციო მოწყობილობების (GPS ან ექვივალენტი), პროგრამული უზრუნველყოფის
შესყიდვის გამარტივებული ელექტრონული ტენდერის

სატენდერო დოკუმენტაცია

ს ა რ ო გ ე ვ ი

» ტექნიკური დოკუმენტაცია	3
» ტექნიკური დავალება	4
» სახელმწიფო შესყიდვის შესახებ ხელშეკრულების პროექტი	6
» დანართი N2, რეკვიზიტები, სატენდერო წინადადების ფასი და ვადა	9
» დანართი N3, ფასების ცხრილი	10

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

1. ტექნიკური დოკუმენტაცია

1.1. ტექნიკური დოკუმენტაცია და საკვალიფიკაციო მოთხოვნები:

პრეტენდენტმა შესყიდვების ერთიანი ელექტრონული სისტემის მეშვეობით უნდა ატვირთოს:

- 1) ტექნიკური პირობა.
- 2) დამატებითი პირობები.
- 3) რეკვიზიტები – დანართი N1.
- 4) ფასების ცხრილი – დანართი #2.

1.2 ანგარიშსწორების პირობები:

1.2.1 სატენდერო წინადადებაში საერთო ფასი გამოსახული უნდა იყოს დღგ-სა და საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

1.2.2 ანგარიშსწორება მოხდება უნაღდო ანგარისწორებით ლარში, ყოველთვიურად, საანგარიშსწორებო დოკუმენტის წარმოდგენის და მიღება-ჩაბარების აქტის გაფორმებიდან 10 (ათი) დღის ვადაში.

შენიშვნა: ანგარიშსწორება იწარმოებს სანავიგაციო მოწყობილობების (GPS ან ექვივალენტი) ფაქტიური რაოდენობის მიხედვით. საჭიროების შემთხვევაში შესაძლებელი უნდა იყოს მათი დამატება ან/და გამოკლება დღეის მდგომარეობით არსებულ 34 ერთეულ სანავიგაციო მოწყობილობასთან.

1.2.3 ანგარიშსწორება იწარმოებს ფაქტიურად შესრულებული მომსახურების მიხედვით.

1.2.4 ყველა დოკუმენტი რომელიც აიტვირთება შესყიდვების ერთიან ელექტრონულ სისტემაში ხელმოწერილი და ბეჭედდართყმული უნდა იყოს უფლებამოსილი პირის მიერ.

მომსახურების პერიოდი განისაზღვრება ხელშეკრულების გაფორმებიდან 2016 წლის 31 დეკემბრის ჩათვლით.

მომსახურების გაწევის ადგილია – აჭარის ავტონომიური რესპუბლიკის ტერიტორია სრულად.

დამატებითი ინფორმაციის მიღება შესაძლებელია სატენდერო კომისიის აპარატში (მის: ქ. ბათუმი ადლიის ქუჩა #167) ან ტელეფონის ნომერზე 577 11 21 31, საკონტაქტო პირი – ალექო ხათაშვილი.

მომსახურების სპეციფიკიდან გამომდინარე, იმ შემთხვევაში თუ უმცირესი ფასის მქონე პრეტენდენტის მიერ დაფიქსირებული საბოლოო ფასი 20% ან მეტით ნაკლები იქნება სატენდერო ღირებულებაზე, პრეტენდენტი ვალდებულია წარმოადგინოს სანავიგაციო მოწყობილობის (GPS ან ექვივალენტი) და საწვავის ავზის სენსორის, ინვოისი, სასაქონლო ზედნადები ან მიღება-ჩაბარების აქტი, რომლითაც დაადასტურებს მის ზღვრულ და მის მიერ დაფიქსირებულ ფასად მათ მოწოდებას. (მოთხოვნა ვრცელდება იმ შემთხვევაში თუ ფასის კლება მოხდება ზემოთაღნიშნულ საქონელზე).

ტექნიკური პირობები

საორიენტაციო – 50 ერთეული სანავიგაციო მოწყობილობის (GPS ან ექვივალენტი) პროგრამული მომსახურება.

1. მომსახურება უნდა განხორციელდეს მონიტორინგის ცენტრის საშუალებით;
2. სისტემა უნდა მუშაობდეს ყოველდღიურად 24 საათის განმავლობაში (24/7);
3. სისტემის საშუალებით სატრანსპორტო საშუალების მონიტორინგი უნდა განხორციელდეს "ონლაინ" რეჟიმში ვებ სერვერის საშუალებით. მონიტორინგის სისტემაში წვდომა შესაძლებელი უნდა იყოს ნებისმიერი კომპიუტერიდან მხოლოდ შესაბამისი პაროლისა და მომხმარებლის სახელის გამოყენებით.
4. „პრეტენდენტს“ რეგიონში უნდა გააჩნდეს მომსახურების ფილიალი ან/და ტექნიკური მომსახურების პერსონალი;
5. მინიმუმ ოთხი სახის მუდმივი განახლებადი ელექტრონული რუკები;
6. კლიენტის მიერ მითითებული ობიექტების ციფრულ რუკაზე დატანება. ინდივიდუალური სქემატური ნახაზის შექმნა.
7. სტატისტიკური მონაცემების ექსპორტი *Excel, PDF, HTML* -ის ფორმატში.
8. მომსახურების განხორციელების პირობები:
 - 8.1 სისტემის მუშაობის პრინციპია „დამკვეთის“ მიერ ავტომატური მდებარეობის შესახებ ინფორმაციის მიღება დამონტაჟებული მოწყობილობით „ონლაინ“ (რომელიც აჩვენებს სატრანსპორტო საშუალების გადაადგილების ზუსტ დროსა და ადგილს, გარბენილ მანძილს ცდომილების გარეშე) რეჟიმში, ასევე ავტომატური გადაადგილების ისტორიის შესახებ ინფორმაციის მიღება. აღრიცხოს ოდომეტრის მაჩვენებელი ნულიდან ყოველდღიურად. ზუსტად განსაზღვროს საწვავის ჩასხმისა და ამოსხმის მაჩვენებლები.
 - 8.2 „შემსრულებელი“ ვალდებულია უზრუნველყოს:
 - 8.2.1. სისტემის გამართული მუშაობა, რაც „დამკვეთს“ შესაძლებლობას მისცემს აღმოაჩინოს ავტომატური;
 - 8.2.2. თითოეული ავტომატური მიერ დროის სხვადასხვა მონაკვეთში განვლილი მანძილის, სიჩქარის, გაჩერების, დგომის დროის, მარშრუტის შესახებ ინფორმაციის სერვერზე განთავსება. ასახოს ყოველი ავტომატური გადაადგილების ტრაექტორიის უწყვეტი ჩვენება;
 - 8.2.3. ავტომატური მონიტორინგი, სპეციალური კოდით ინტერნეტის მეშვეობით ნებისმიერი ადგილიდან;
 - 8.2.4. სერვერზე ავტომატური ისტორიის განთავსება განვლილი მანძილის, დგომის და მოძრაობის დროის, სიჩქარის და ა.შ. შესახებ. რამოდენიმე ავტომატური მოძრაობის ისტორიის ერთდროულად ზუსტი დროით ჩვენება ცდომილების გარეშე;
 - 8.2.5. მონიტორინგის სისტემა უნდა იძლეოდეს საშუალებას რუკაზე, დასახლებული პუნქტებში იძებნებოდეს ქუჩები, შენობის დასახელება და გაჩერების ნომრების მიხედვით.
 - 8.2.6. ნებისმიერი რაოდენობის ობიექტების დატანა რუკაზე, რომელთა დასახელებებიც აისახება სტატისტიკურ მონაცემებში თუ სატრანსპორტო საშუალებები გაჩერდებიან ამ ობიექტებთან.
 - 8.2.7. კონფიდენციალობა – მხოლოდ სპეციალური კოდით ინტერნეტის მეშვეობით;
 - 8.2.8. საწვავის ზუსტი მოცულობის განსაზღვრა ავზში სპეციალური საწვავის სენსორის საშუალებით.

8.2.9. გარბენილ მანძილზე საწვავის ხარჯვის მონაცემების ჩვენება.

8.2.10. ჩასხმული საწვავის ზუსტი მონაცემების ჩვენება.

8.2.11. ამოსხმული საწვავის ზუსტი მონაცემების ჩვენება.

8.2.12. საწვავის ჩასხმა-ამოსხმის გრაფიკული გამოსახულების ჩვენება, თარიღების ფილტრის საშუალებით.

8.3. „შემსრულებელი“ ვალდებულია შეინახოს და „დამკვეთისთვის“ ხელმისაწვდომი გახადოს „დამკვეთის“ ავტომატურად არსებული ყველა ზემოხსენებული ინფორმაცია არა ნაკლებ 12 (თორმეტი) თვისა. ინფორმაციის უფრო მეტი ვადით შენახვაზე „დამკვეთმა“ უნდა აცნობოს „შემსრულებელს“ ამის თაობაზე ინფორმაციის შენახვის ვადის გასვლამდე 2 (ორი) თვით ადრე. ინფორმაციასთან „დამკვეთის“ წვდომა ხორციელდება ინტერნეტის მეშვეობით, სერვერის საშუალებით;

8.4. სატრანსპორტო საშუალების გაუმართავობის (ხუთი დღეზე მეტი დროით) შემთხვევაში ან/და სხვა მიზეზის გამო, „დამკვეთის“ მიერ წინაწარ მიწოდებული ინფორმაციის საფუძველზე „შემსრულებელი“ აჩერებს მომსახურების გადასახადის დაანგარიშებას;

8.5. „შემსრულებელი“ ვალდებულია ვალდებულია „დამკვეთის“ სატელეფონო შეტყობინების მიღებისთანავე აღმოფხვრას ხარვეზი ან/და დაზიანებები;

8.6. „შემსრულებელი“ ვალდებულია დამკვეთის მითითების შესაბამისად უსასყიდლოდ მოახდინოს **GPS** მოწყობილობის გადადგილება ერთი სატრანსპორტო საშუალებიდან მეორეზე - ულიმიტოდ ან/და ახალი მოწყობილობისა და საწვავის სენსორის მონტაჟი.

8.7. მოთხოვნის შემთხვევაში მიმწოდებელი ვალდებულია შემსყიდველს მიაწოდოს სისტემასთან თავსებადი **GPS** მოწყობილობა და საწვავის ავზის სენსორი რომელიც შესაბამისი საფასურის გადახდის შემთხვევაში რჩება შემსყიდველის საკუთრებაში.

8.8. ზღვრული ფასი:

ა) **GPS** მოწყობილობა – არაუმეტეს **400** ლარი.

ბ) საწვავის ავზის სენსორი – არაუმეტეს **350** ლარი.

8.9. გამარჯვებული პრეტენდენტი ვალდებულია ხელშეკრულების გაფორმებიდან არაუმეტეს 10 დღის ვადაში მოახდინოს **GPS** მოწყობილობებისა და საწვავის ავზის სენსორების მონტაჟი (საჭიროებიდან გამომდინარე), მათი სისტემაში ჩართვა და დაკალიბრება.

(თანამდებობა, სახელი, გვარი)

(ხელმოწერა)

დამატებითი პირობები

- 1) მომწოდებელს უნდა გააჩნდეს რეგიონალური ფილიალი და მომსახურე პერსონალი, აღჭურვილი სათანადო ტექნიკითა და სპეც. საშუალებებით მყისიერი რეაგირებისთვის.
- 2) შემსყიდველისგან დამოუკიდებელი მიზეზებით, სისტემის გაუმართაობის შემთხვევაში მომწოდებელი ვალდებულია, შეტყობინების მიღების ან/და წერილობითი სახით სახელმწიფო შესყიდვების ერთიან ელექტრონულ სისტემაში მისი ატვირთვიდან, არაუმეტეს 48 საათის განმავლობაში აღმოფხვრას წუნი.
- 3) სისტემის გაუმართაობად ჩაითვლება ნებისმიერი ცდომილება რომელიც დაკავშირებულია ავტომატური მოძრაობის ზუსტ ტრაექტორიასთან, მისი გაჩერების, მოძრაობის, სიჩქარის, განვლილი კილომეტრაჟის, ასევე ჩასხმული და ამოსმული საწვავის ზუსტი ოდენობის აღრიცხვასთან. (დასაშვები ცდომილება – არაუმეტეს 3 %)
- 4) თუ მომწოდებელი არ აღმოფხვრის დეფექტს, რომელიც გამოწვეულია შემსყიდველისგან დამოუკიდებელი მიზეზებით, 48 საათის განმავლობაში, მას დაერიცხება პირგასამტეხლო, წუნდებული **GPS** მოწყობილობისა და საწვავის სენსორის რაოდენობიდან გამომდინარე, თითოეულზე 50 ლარის ოდენობით ყოველ ვადაგადაცილებულ დღეზე.
- 5) თუ წუნის აღმოფხვრა არ მოხდება 5 დღის ვადაში, შემსყიდველი იტოვებს უფლებას ცალმხრივად შეწყვიტოს ხელშეკრულება.

(თანამდებობა, სახელი, გვარი)

(ხელმოწერა)

სახელმწიფო შესყიდვების შესახებ ხელშეკრულების პროექტი

ხელშეკრულება N

ქ. ბათუმი

_____ 2016_ წელი

ერთის მხრივ შპს „სანდასუფთავება“ (შემდგომში „შემსყიდველი“) წარმოდგენილი მისი დირექტორის _____ სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელმაც მოიპოვა გამარჯვება ტენდერში და აწვდის საქონელს ან /და მომსახურებას სახელმწიფო შესყიდვის შესახებ მოცემული ხელშეკრულების ფარგლებში.
- 1.6. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაეკრება ხელშეკრულებას როგორც მისი განუყოფელი ნაწილი.

2. ხელშეკრულების საგანი

- 2.1. ხელშეკრულების საგანს წარმოადგენს შემსყიდველისათვის GPS მოწყობილების პროგრამული უზრუნველყოფა.
- 2.2. ხელშეკრულებით გათვალისწინებული მომსახურების აღწერა მოცემულია ტექნიკურ დავალებაში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს _____ ლარს.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების შესყიდვასთან და თანმდევი მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში, შესაბამისი შუალედური საანგარიშსწორებო დოკუმენტაციის წარმოდგენიდან და მიღება-ჩაბარების აქტის გაფორმებიდან არაუმეტეს 10 (ათი) კალენდარული დღის განმავლობაში.

5. შესყიდვის ობიექტის მიღება-ჩაბარების წესი

- 5.1. მომსახურება ჩაითვლება მიღებულად მხოლოდ მხარეთა მიერ გაფორმებული მიღება-ჩაბარების აქტის ხელმოწერის შემდეგ.
- 5.2. შემსყიდველის მხრიდან მიღება-ჩაბარების აქტზე ხელმომწერი პირია შპს „სანდასუფთავების“ ავტოფარეხის უფროსი.

6. მხარეთა უფლება-მოვალეობები

- 6.1. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 6.2. მიმწოდებელი პასუხისმგებელია მიწოდებული მომსახურების ხარისხსა და დროულობაზე.

6.3. შემსყიდველი ვალდებულია მიმწოდებლის მიერ ხელშეკრულებით ნაკისრი ვალდებულების სრულად და ჯეროვნად შესრულების შემთხვევაში აუნაზღაუროს მას მოწოდებული მომსახურების ღირებულება.

7. თანმდევი მომსახურება

7.1. მიმწოდებელი ვალდებულია გაუწიოს შემსყიდველს ხელშეკრულების პირობებით გათვალისწინებული თანმდევი მომსახურება, რომელიც დაკავშირებულია მომსახურების გაწევასთან და/ან შესყიდვის ობიექტის შემდგომ ექსპლუატაციასთან.

7.2. თანმდევი მომსახურების ღირებულება შედის ხელშეკრულების ფასში.

8. ხელშეკრულებით ნაკისრი ვალდებულებების შესრულების ინსპექტირება

8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შპს „სანდასუფთავების“ ნარჩენების მართვისა და უტილიზაციის დეპარტამენტის ხელმძღვანელი.

8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულებაში ცვლილებების შეტანა

9.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა "სახელმწიფო შესყიდვების შესახებ" საქართველოს კანონის და ამ დებულების მოთხოვნათა გათვალისწინებით.

9.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების გარანტია (ამ მექანიზმის გამოყენების შემთხვევაში)

10.1. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია გამოიყენება ნებისმიერი ზარალის ანაზღაურების მიზნით, რომელიც მიაღება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო. (გარანტირების მექანიზმის გამოყენება სავალდებულოა თუ შესყიდვის ობიექტის სავარაუდო ღირებულება აღემატება 200.000 ლარს და გარანტიის ოდენობა არ უნდა აღემატებოდეს ხელშეკრულების ჯამური ღირებულების 10 პროცენტს და არ უნდა იყოს 2 პროცენტზე ნაკლები). იმ გარემოებების ჩამონათვალი, რომელთა დადგომა გამოიწვევს მიმწოდებლისათვის გარანტიის დაუბრუნებლობას და აღნიშნულ გარემოებათა დადგომის გამო, შემსყიდველისათვის მიყენებული ზარალის ანაზღაურების მიზნით, საგარანტიო თანხის გამოყენების წესი განსაზღვრულია ხელშეკრულების პირობებში.

10.2. მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია.

10.3. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

11. ხელშეკრულების პირობების შეუსრულებლობა

11.1. დაუძლეველი ძალის პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, ყოველ ვადაგადაცილებულ დღეზე, ხელშეკრულების ღირებულების 0.2 % ოდენობით.

11.2. თუ პირგასამტეხლოს ჯამი გადააჭარბებს ხელშეკრულების ჯამური ღირებულების 6 %-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.3. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.4. შემსყიდველისგან დამოუკიდებელი მიზეზ(ებ)ით ხელშეკრულების პირობების დარღვევისა ან/და შეუსრულებლობით ხელშეკრულების შეწყვეტის გამო, მიმწოდებელს დაერიცხება პირგასამტეხლო ხელშეკრულების ჯამური ღირებულების 6%-ის ოდენობით.

12. დაუძლეველი ძალა

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

12.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

13. სადაო საკითხების გადაწყვეტა

13.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების პირობებში სხვა რამ არ არის გათვალისწინებული.

14. გამოყენებული სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

15.1. ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადაწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

16. ხელშეკრულების მოქმედების ვადა

16.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 31 დეკემბრის ჩათვლით.

შემსყიდველი:

შპს „სანდასუფთავება“
მის: ქ. ბათუმი,
ჯავახიშვილის ქუჩა #55
ს/კოდი 245548153

შპს „სანდასუფთავების“
დირექტორი

მიმწოდებელი:

მის: _____

ს/კოდი _____

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

მომსახურე ბანკი:

ბანკის კოდი:

ანგარიშის ნომერი:

ფასების ცხრილი

პრეტენდენტის დასახელება _____

#	დასახელება	რაოდენობა	ერთეულის ფასი თვეში	ერთეულის ფასი 12 თვის განმავლობაში	მთლიანი ღირებულება 12 თვის განმავლობაში
1	სანავიგაციო მოწყობილობების პროგრამული მომსახურება	50			
#	დასახელება	რაოდენობა	ერთეულის ღირებულება		მთლიანი ღირებულება
2	GPS მოწყობილობა	15			
3	საწვავის ავზის სენსორი	25			
სულ ჯამი:					

ფასების ცხრილის შედგენისას პრეტენტი ვალდებულია გაითვალისწინოს GPS მოწყობილობისა და საწვავის ავზის სენსორის ზღვრული ფასი, წინააღმდეგ შემთხვევაში მოხდება მისი დისკვალიფიკაცია.

პრეტენდენტის ხელმოწერა _____ ბ.ა.